

SĀVALI MAI LE CHO MO MATUA

Ua ou tusi atu i matua, tausi fanau ma fanau a’oga uma o Vitolia, ona ua mana’omia le fesoasoani lagolago a ‘aiga uma, mo le fa’aititia o le salalau atu o le fa’ama’i o le korona vailusi (COVID-19) i totonu o Vitolia.

A’o lumana’i ai taimi o faigā mālōlōga a a’oga, e lē mafai ona tu’u māmāina lo tatou puipuiga malu, ‘atoa ai ma o tatou ‘aiga. Na pau lava le tūlaga o lo’o tula’i mai i lo tatou va ma le toe osofa’i fa’alua o le fa’ama’i, o isi a tatou gaioiga e fai.

Po’o fea lava tou te feoa’i ai, fa’amolemole manatua tūlaga e ono lamatia ai o outou soifua. Ia outou nofouta lelei, aua atonu o lo’o i ai ni tagata o lo’o latou fe’avea’i siama o le fa’ama’i, ma ia outou tausisi i le fa’amamao ‘ese mai isi tagata.

Ua sili atu ona maualuga le fuainumera o i latou ua maua i le fa’ama’i i le taimi nei, mo se vaitaimi e sili atu i le lua masina. Ua i ai fa’amaoniga ua iloa ai o le mafua’aga o le toe fa’atupula’ia o tagata ua maua i le fa’ama’i i totonu o Vitolia, e mafua mai i fa’atasiga a ‘aiga, ma lo latou le usita’ia o tūlafono ma fautuaga e tusa ai ma le fa’amamao o le va o tagata, ‘atoa ai ma le lē tausisi i amioga tū mamā.

O le tūlaga sili na leaga, ona o lo’o pepesi pea le fa’ama’i i lenei vaitaimi, ma o lo’o lamatia pea soifua o tagata. E pei ona outou taga’i i tūlaga o tutupu mai i itu ‘ese’ese o le lalolagi, o lo’o mafai e le vailusi lenei liliuina mai se fuainumera la’ititi o i latou ua maua i le fa’ama’i, i se fuainumera telē i se taimi vave, e faitau selau i ni nai aso.

Tatou te lē fia o’o la i lea tūlaga, ma ua tatau nei loa ona tatou galulue fa’atasi - a’o mafai ona tatou fa’atinoina ni gaioiga.

O le mafua’aga lea ua alagatatau ai le toe fa’atino ai aiaiga ma tūlafono, e saisaitia ai a tatou gaioiga ma fuafuaga fai. O le aofa’i o tagata e mafai ona asiasi atu i lou fale, ua toe fa’aititia nei i le lima. O fa’atasiga a ‘aiga ma fa’auo i nofoaga i fafo, e mafai ona o’o atu i le sefulu.

E mafai ona fesoasoani gaioiga nei pe a fa’atino e sui uma o fa’alapotopotoga o a’oga:

- Ia tausisi i lou puipuiga saogalemū pe a e alu i nofoaga o i ai tagata.
- Ia tausisi i lou puipuiga saogalemū a’o e nofo ai i le fale. O lona uiga, ia e feso’ota’i lava na o i latou e mana’omia lou feso’ota’i i ai. ‘Aua ne’i toe faia ni mafutaga ta’ito’a tele i totonu o ‘aiga, ma manatua ia fa’amamao ‘ese mai isi tagata, ma tausisi i amioga tū mamā.
- ‘Aua le fefa’asoa’ia mea tausami ma vai taumafa.
- ‘Afai o e lagona e te ma’i po’o se isi o lou ‘aiga - nofo lelei i le fale. ‘Aua e te asiasi atu i fa’auo ma ‘aiga. ‘Aua e te alu malaga i ni faigā mālōlōga, ma ‘aua fo’i e te alu i le galuega. ‘Aua ne’i ‘avea lau fanau i a’oga, nofoaga o lo’o va’ai ai tamaiti, a’oga fa’ata’ita’l, pe ‘afai o mama’i – nonofo lelei i le fale.

- 'Afai o maua oe i ni āuga, fai nei loa sau siaki.

O lo'o to'atele i latou i totonu o Vitolia o lo'o faia pea gaioga e tatau ona fai, ae o se fa'ailoilo tāua lenei, e fafagu mai ia i tatou, ma ia 'aia ne'i o tatou fa'atamala pe manatu fa'atauva'a i ai.

O le faitalia o lo'o ia tatou mo le puipuiga malu ma le saogalemū o tatou, a tatou uo, ma o tatou 'aiga.

Mo fa'amatalaga fou ma fa'amaumauga sa'o e uiga i le korona vailusi, (COVID-19), asiasi i le ['upega tafa'ilagi a le Faigā Mālō a Vitolia](#).

'Afai e i ai se isi o lou 'aiga o lo'o maua i āuga o le korona vailusi (COVID-19), tusa pe le tigāina, e tatau lava ona nonofo i le fale, tēpā se fautuaga fa'afoma'i, ma fai ni siaki. O nei āuga e lavea ai le maualuga o le fiva, ma'alili pe afu le tino, tale, tigā le fa'a'i, tau le mafai na mānava pe tafe le isu, le mafai na sogisogi pe tofo mea'ai. Mo nisi fa'amatalaga e uiga i nofoaga e fai ai siaki, asiasi atu i le ['upega tafa'ilagi mo le faia o siaki o le korona vailusi](#).

'Afai o e popole ia te oe, po'o se isi o lou 'aiga pe ua a'afia i le fa'ama'i, ma e mana'omia nisi fa'amatalaga, fa'amolemole vala'au atu i le numera telefoni mo fesoasoani fa'avave, a le korona vailusi i le 1800 675 398. O le telefoni lea e ola fa'asolo 'atoa i le 24 itulā.

Adj Clin Prof Brett Sutton
Victorian Chief Health Officer